



Broj: 11-04-38-28338-12/16
Sarajevo, 20.2.2017.godine

SVIM SREDNJIM ŠKOLAMA NA PODRUČJU KANTONA SARAJEVO
n/r direktora/direktorice

PREDMET: Eksterna matura u srednjim školama

Cijenjeni/ Cijenjena,

s ciljem adekvatnog informiranja nastavnika, učenika i njihovih roditelja u vezi sa aktivnostima na organiziranju eksterne mature u srednjim školama na području Kantona Sarajevo u školskoj 2016/2017. godini, dostavljamo sljedeće informacije:

- S obzirom da još uvijek nije donesen Zakon o srednjem obrazovanju, kojim je predviđeno uvođenje eksterne mature u srednjoj školi, Ministarstvo je odlučilo da učenici koji u tekućoj školskoj 2016/2017. godini pohađaju 4. razred srednje škole, pristupe pilot projektu polaganja eksterne mature. Predvidjeli smo da tokom aprila 2017. godine u svim srednjim školama bude provedena simulacija eksterne mature. Napominjemo, bez izuzetka, sve srednje škole koje obrazuju učenike u četverogodišnjem trajanju su dužne organizirati polaganje eksterne mature, u skladu sa instrukcijama ovog ministarstva.
- Polaganje maturalnog ispita odnosno završnog rada će se i ove školske godine realizirati u skladu sa Pravilnikom o sadržaju i načinu polaganja mature/završnog ispita, broj: 11-02-16643/11 od 4.5.2011. godine.
- Skrećemo pažnju na pojavu dezinformacija u školama u vezi sa eksternom maturom. Naime, svakodnevno se Ministarstvu anonimno obraćaju roditelji učenika sa upitima u vezi sa eksternom maturom, jer adekvatne informacije ne dobijaju u školama – učenici neće uopšte polagati eksternu maturu, matura se neće bodovati, učenici će biti oslobođeni prijemnog ispita na fakultetu, učenici izvan Kantona Sarajevo nemaju obavezu polaganja eksterne mature i sl. Sve navedene konstatacije odnosno upiti roditelja, upućuju na činjenicu da škole nisu na adekvatan način informirale roditelje u vezi sa ovom problematikom. Još jednom skrećemo pažnju na obavezu kontinuiranog i ispravnog obavještanja roditelja u vezi sa aktivnostima koje se odnose na eksternu maturu i onemogućavanja nastavniciima da iznose vlastite stavove učenicima i roditeljima i time izazivaju opštu zbunjenost i strah, prvenstveno kod učenika. Na ovaj način se Ministarstvu onemogućava adekvatno provođenje cjelokupnog procesa eksterne mature, koje je izuzetno zahtjevan i kompleksan proces.

S poštovanjem,



MINISTAR
Elvir Kazazović
Prof.dr. Elvir Kazazović

